



Bou ons kinders vir môre

Sondagskool 4

Les Titel: Ons vind Jesus in God se huis

'n Ouerhandleiding

Sondagskooltuisonderrig



Liewe Ouer

Welkom by die les oor Ons vind Jesus in God se huis

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus en Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Konfirmasie-onderwyser indien u ondersteuning vereis of bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Ons vind Jesus in God se huis
Bybelwoord	Lukas 20: 1
Lesdoelwit	Jesus Christus is in God se huis.

Lesopsomming:

- Die apostels en die diensknegte wat deur hulle beopdrag is leer God se kinders hier op aarde.
- Die Heilige Gees lei hulle in woord en in daad.
- Jesus het saam met sy dissipels gebid om met sy Vader in die Hemel te verbind.
- Jesus het in die tempel gepreek, Hy het die mense geleer en die leerstelling van sy Vader in die Hemel verkondig.
- Ons seëndraers neem godsdienste waar en die Heilige Gees openbaar God se woord deur hulle.
- Jesus praat met ons en Hy leer ons deur die apostels en ander diensknegte.
- Jesus sorg vir die siekes en Hy genees ook die siekes.
- Ons diensknegte sorg vir die siekes en die armes. Hulle vertroos ons ook.

Wat beteken hierdie les vandag vir ons?

- Jesus Christus is in God se huis.
- Alle diensknegte is aktief deur die Heilige Gees in die Kerk van Christus.
- Jesus word deur ons diensknegte en onderwysers verteenwoordig.



Sommige vrae wat ons kan vra:

- Waar vind ons Jesus?

Antwoord: In God se huis

- Wat doen ons diensknegte in die huis van God?

Antwoord: Hulle neem godsdienste waar / kinderdienste / dienste vir jongmense/begrafnisse / troues
Bedien Heilige Nagmaal,
Doop met water

- Noem die diensknegte in jou gemeente?

Antwoord: Die kind kan 'n paar diensknegte in die gemeente opnoem

- Watter diens verrig ons diensknegte nog in die gemeente?

Antwoord: Besoek die siekes tuis / in die hospitaal
Troos die wat hartseer is / die wat 'n geliefde verloor het



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te gaan haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.